

海上見聞錄定本

海上見聞錄定本卷上

鷺島道人夢菴輯

甲申崇禎十七年三月北京陷崇禎亡

大清順治元年

五月十五日誠意伯劉孔昭司禮監韓贊同等立福

王于南京改元弘光

兵部尚書史可法督師江北

北鳳陽總督馬士英入粵國政

有中書隨地有都督滿街走監紀多
于平賊方賊如狗廢起于平座後育
一王首極立江南殺俱塞馬家口之法

封福建總兵官鄭芝龍南安伯賜蟒衣

乙酉順治二年 南京弘光元年

封鄭鴻遠靖虜伯

清兵破揚州史可法死之

五月清兵渡江弘光走至蕪湖廿五日為降將劉良

依擒解豫王

總兵鎮江鄭鴻遠鄭彩等擁舟師不戰走還閩至浙

于江口逆唐王鴻遠奉之至福州巡撫張肯堂巡

按吳春枝吏部黃道周安南伯鄭芝龍等會議監

國鴻遠固請正位乙酉以閏六月十五即位改元

隆武起曾櫻何格鷗等入閩辦事晉封芝龍平虜

侯尋封平國公鴻遠為定虜侯尋封定國公芝豹

為澄濟伯鄭彩為永勝伯賜平國公長子森國姓
名成功封忠孝伯

賜姓以天啟甲子年七月十五日生於日本國母顏
氏後遣人將母于取回方七歲有志讀書聰敏不
羣年十五補南安縣學廩生

封平國公部將施天福為武毅伯洪旭為忠振伯林
習山忠定伯張進忠正伯陳輝忠靖伯定國公部
將陳豹為忠勇侯林察為輔明侯以鄭鴻遠為大
元帥出浙東鄭彩為副元帥出江西既出關疏言
餉缺逗留如故於是黃道周請募兵江西蔭武為

給空札百函為行資被獲送南都不屈與中書賴
雍恭總等俱死之

八月隆武至粵西有靖江王稱監國不奉詔總制丁
魁楚起撫瞿式耜擒送至閩斬之

時鄭遵謙起兵江上與張國維陳函輝熊汝霖等迎
魯王于台州監國駐紹興時乙酉六月中遣都督
陳謙奉書至國謙前齊南安伯勅印與平國相善
平國邀之陛見故函稱皇叔父不稱陛下隆武怒
御史錢邦芑密勸隆武殺之夜平內傳行刑倉卒
不及救平國痛憤甚先是平國已密遣人通內院

洪承疇御史黃熙胤至是又微聞監國錢塘信息
乃稱缺糧餉撤守將施天福等回而閩兵無糧逃
散不守矣

丙戌順治三年 海上稱隆武元年 正位于福建省城
三月清貝勒王駐兵錢塘北岸

五月江上兵潰

六月初一日清兵渡江，潮不至方國安馬士英欲
獻監國為投降計遣人守監國守者病乃得脫逃
登海船遁入舟山時丙戌六月十八日也督師張
國維興國公王之仁兵部陳函輝大學士朱大典

俱死之方達年方安國俱投降馬士英逃至台州
小寺清兵搜獲後與方國安父子方達年俱斬于
延平城下眷口給賜兵丁阮大鍼迎降遇嶺自投
崖死仍戮尸將移閩守將陳秀郭曦投降而仙霞
無一守兵隆武于八月定計幸賴未至一日晒龍
鳳衣陳謙之子率數騎追至遂及于難

九月清兵至泉州芝龍退保安平鎮貝勒令泉紳郭
必昌招之以洪黃之信未通未敢迎師貝勒與之
書畧曰吾所以望將軍者以將軍能立唐藩也且
兩粵未平今鑄閩粵總督印以相待芝龍得書大

喜賜姓力諫不聽十一月至福州見貝勒置酒甚
懼夜半挾之北去從者皆不得見至京封同安侯

丁亥順治四年

是歲桂王即位于廣東肇慶改元永曆

初芝龍檄兵家諭賜姓欲與俱見貝勒賜姓不從
定國陰令逸去乃至是率所部入海芝豹獨奉母
居安平鎮鄭彩率舟師至舟山迎監國魯王南下
魯王封鄭彩為建威侯尋晉建國公其弟鄭聯為
定遠伯尋晉侯鄭彩及閩部熊汝霖進取福寧州
諸縣響應遂入興化府熊閩部鼓舞起義諸起義
者皆來給劉兵至數萬多烏合鄭彩謀奪其權雖

與之結媾忌之乘夜遣兵攻其舟并全家殺之于
是義兵憤怒解體時義兵所在蠶起汀卻並亂據
延寧閩郵為阻是夏京中命王大人陳錦佟國器
李率泰督兵至破建寧屠之而失州縣盡復鄭彩
至海壇復為鄉兵所敗遂同魯王至廈門時鄭聯
亦糾合浦南橋義兵楊重等攻入漳浦縣以洪有
楨為縣令未幾縣破有楨被執不屈被禍鄭聯率
義兵攻海澄縣然見敵騎即走爭舟墜水死者甚
多平和縣魯慶等與詔安等處義兵立德化王慈
燁據將軍寨陷大昌攻順昌將樂然皆為清兵所

敗隆武之七也。舊相蘇觀生何吾驎遁回廣東與
布政使顧元鏡於十一月立隆武弟唐王聿錡監
國年號紹武十二月十五日清總兵李成棟率兵
襲廣州城副將杜永和獲紹武并周王益王遠王
等盡殺之。蘇觀生沒死吾驎元鏡皆降福省既陷
兩廣總督丁魁楚與廣西巡撫瞿式耜會議監國
式耜皆言永明王賢且為神宗嫡孫應立王諱由
御桂王之子初封衡陽以寇亂徙梧州會桂王堯
王以袁經于丙戌十月十四日監國改元永曆以
肇慶府署為行宮魁楚呂大器為大學士式耜以

吏部侍郎兼閣學掌銓事封總兵陳邦傳為思恩侯尋晉慶國公後廣西破投誠率兵追永曆為李定國所擒父子俱死

時賜姓謀舉義而兵將戰艦百無一條往南粵召募聞永曆即位粵西遙奉年號稱招討大將軍罪臣有衆三百人于廈門之鼓浪嶼訓練委黃愷于安平鎮措餉識者知其可與有為平國舊將咸歸心焉八月以洪政陳輝為左右先鋒楊才張進為親丁鎮郭泰余寬為左右鎮林習山為樓船鎮進兵攻海澄扎祖山頭數日援兵至洪政中流矢與監

軍楊期潢俱死之遂退兵入粵會定國公進攻泉
州列營桃花山清提督趙國祚率數百騎衝營
張進楊才迎戰定國遣林順等夾攻大破之別遣
水兵破溜石砲城斬泰將解應龍軍艘大振泉紳
郭必昌之子顯欲內應國祚殺之滅其家并擊故
相黃景昉等國祚酷虐泉民不敢喘息九月漳州
副將王進率兵來援圍解

戊子順治五年

海上稱永曆二年

閏三月賜姓攻同安清守將廉印知縣張放齡遁
遂取之

七月陳休李援師至遂攻同安城八月城陷鎮將立
晉林壯猷全軍盡沒知縣葉翼雲教諭陳昂死之
脣其城殺五萬餘人同安血流_溝之域應焉

先是同安諸生陳姓綽號泥鰍者回至羅漢山中
所稱生閻羅者授以片紙云_泥鰍死半途同安血流
溝嘉禾新人種安平成平埔陳生果至小盈嶺而
死是後凡獲滿兵輒斮放回以應之然後來安
海城竟毀拆而廈門竟遭空無人歷一紀云

是歲大饑賜姓及建國公鄭彩各發兵民船至高州
糴米為思恩侯陳邦傳所轄賜姓免餉餘照丈

尺微餉舡有千餘多是民舡斗米閩中近千錢也
時海上藩鎮分駐各島監國魯王別將平夷伯周
雀之閩安侯周瑞定西伯張名振總兵阮美等守
舟山至沙埋鄭彩鄭聯守廈門今定國公守平安
之白沙使其將陳豹守南粵賜姓泊廈門以親丁
三百人造其叔錦衣衛鄭子鵬護家眷使張進守
銅山所太子太師鄭香守海澄之石尾有衆數千
人復為清兵所破二子鄭庶鄭海死焉然糧餉
缺乏取之民間而鄭彩營將章雲飛等擾民尤甚
定國公遂率舟師至潮州隨地取餉

己丑順治六年 海工稱永曆三年

廣東提督李成棟反正迎永曆于是永曆有船使令
以為恢復在即詔各勲鎮考試諸生赴廣省進場
賜姓遂送考生員葉后詔洪初開等十數人同黃
志高資本赴行在舟至潮陽遭風飄壞餘人不得
連獨黃志高至粵詔以志高為兵部職方司主事
使監賜姓軍命以舟師查取南都其浚賜姓入長
江承此詔旨也詔使并齊秦王孫可望告示一張
其文云秦王告諭天下中間叙湖廣殺敬謹王四
川殺八圍山之捷入滇擒逆點父子云、又檄文

一冊中有云恢復兩京者准封為公一省者封為侯四府以上者封為伯今有無尺寸之功而擅封五等之爵云、又定西王李定國告示一張其文云西寧王奉秦王令旨中間叙破廣西定南王孔有德焚死之捷云、

清鎮守漳浦副將王起俸蜜赴軍門納款謀洩棄家由會鎮至銅山投見賜姓授都督同知掛統練軍門印令管北標將

十月賜姓舟進雲霄港由白塔登岸分道並進雲霄守將張國桂迎戰為左先鋒下副將施顯敗死進

軍攻城中軍姚國泰拒守城破國泰重傷獲之令
鑿治送軍前枚用遂進攻詔安扎營龍峯磁灶等
處令中衝鎮柯宸樞援勒左鎮黃廷右衝鎮洪習
山寄守盤陀嶺以邊漳援漳鎮王邦俊副將王之
剛等弔集各縣守兵合攻盤陀嶺是日大霧諸軍
各不相顧柯宸樞同其弟中軍宸梅俱戰死

十一月賜姓解詔安圍督兵由分水關入潮州抵黃
崗時潮屬多土豪擁據三吳壩有吳六奇黃崗有
黃海如南洋有許龍澄海有楊廣海山有朱克潮
陽有張禮碣石有蘇利時武毅伯施天福同黃海

如說賜姓取潮陽縣資其富饒且近海口有海門
所連濠浦可以拋泊船艘通運糧米但須由南海
黨灣過連濠浦方可至縣恐許龍張禮為梗耳賜
姓遂令移兵南洋許龍逆戰敗走漢陽舊將陳斌
來歸授浚縣楊廣朱克唐王等各迎降遂移兵
黨灣張禮拒命立破其連濠霞美二寨進攻青林
寨張禮乞降准其歸命遣授勅右鎮黃山督諸軍
往靖海衛并迎丁惠來縣以中軍汪漚之理縣事
正兵營盧爵守城黃山等四攻南山寨破之賜姓
遂移兵入揭陽會定國公并帶張禮往見定國公

夜沉之水賜姓悔之

庚寅順治七年

海上稱永曆四年

先是清兵破湘潭何騰蛟死之破南昌金散桓死之

二月破信豐李成棟殄于陣永曆皆追贈王爵投淚親祭及報南雄不守遂移德慶抵梧州榕江兵潰桂林陷瞿式耜張同敞死之

五月賜姓至潮陽知縣常翼鳳率父老郊迎令三鎮洪旭駐鎮徵翰轉運楊才攻破平和寨屠之陳斌克獅頭寨、首黃亮采請降許之右先鋒楊才病

故以正總班林勇為右先鋒後征蕪利陣亡以甘
輝管親丁鎮黃廷管右先鋒鎮施顯管援勦左鎮
以監督王秀奇為戎旗鎮管親隨兵以林勝為中
協陳瑞為右協

四月賜姓移師揭陽定國公言新墟寨負固不服合
兵攻之用龍熾擊其城遂乞降

門關海中放光定國公令人投水視之得大炮夾
兩龍為耳用船車出之號龍熾所擊無不摧破後
國軒用以攻泉城火引不發鞭之口遂裂城竟不
破

守潮州新泰伯郝尚文率馬步數千來援賜姓令諸將迎擊陳斌躍馬入陣擒其中軍陳祿諸將繼進追殺尚文僅以身免

五月詔安九甲義將萬禮等來附施琅所招也

六月引兵攻蘇利不克利據碣石衛畔後平南王發兵攻殺之賜姓諭諸將議攻潮州陳斌進曰潮郡東西環溪只一浮橋通漳大路必須斷橋以絕援兵然後移扎西南攻圍從之尚久出兵戰敗浮橋并石橋一齊焚燬隨移師三面圍城攻擊尚久差人往漳求救郝文典來援許龍渡之入城尚未削

髮歸 清久攻不下暑天兵卒多病解圍退兵湖
陽黃亮未等復叛攻襲行營甘輝迎擊斬其父子
始散去

鄭彩鄭聯在廈門與芝鵬有隙賜姓用施琅之策以
米千石餉鄭聯欲襲取之鄭聯不疑鄭彩曰是毒
藥也議全軍出避聯不從聯建生祠于萬石巖十
五夜宴轄下諸將二鼓賜姓舡至盡收其戰艦兵
卒其將陳偉藍衍吳豪等皆歸附撥親隨兵守其
衙後月餘芝鵬說賜姓置酒萬石巖夜歸伏甲于
路殺之時鄭彩以舟師百餘艘逃于廣東南海之

聞賜姓差官往請回島不遇而還其轄將楊朝棟
王勝楊權蔡新等來見以朝棟為義武營王勝等
管水師藍德將藍登來見援授勅後鎮彩輒泊數
載兵將星散賜姓以書招之遂回後病死于家

小寇攻陷惠來縣知縣汪滙之守將盧爵俱死三鎮
洪旭報潮陽山賊復起不復追徵以閩安侯周瑞
為水師右軍掛印黃大振為援勅前鎮命鄭芝鵬
鎮守廈門阮引何德管水師藍登管六師焉

十一月賜姓至潮陽提塘黃文自行在來報稱有旨
請賜姓入援 清平南王尚可喜靖南王耿繼茂

率滿騎數萬攻復廣州西寧王望 師南下會

甚切閏十一月賜姓令各鎮官兵在船聽令南下勤

王時陳斌與施琅相抗不睦率兵而逃具稟陳所
逃緣由後據湖州歸 清黃海如在連濠浦欲議
叛令林習山致之死

十二月賜姓抵揭陽與定國公商議賜姓欲南下定
國公回廈門

辛卯順治八年 海上解永曆五年

正月賜姓至南海施琅進曰勤王臣子職分但琅昨
夜一夢似大不利乞藩王思之賜姓默然遂令將

左先鋒印并兵將委副將蘇懋管轄定國公送蕭
拱宸沈竒等來效勞以拱宸為中衝鎮沈竒為護
衛右鎮隨師南下定國公同洪旭施琅帶陳璘鄭
文星等回島

二月賜姓至白沙河颶風大作各船收入鹽州港賜
姓正副坐駕風水不得泊坐帆溜下幾覆數次天
明方霽後陞管中軍船蔡進福為水師內司鎮管
副中軍船施琅為水師後鎮

三月賜至大星所殺退思訓授兵攻其城下之
清閏撫張學聖同提督馬得功集同安縣十八保劉

五店各處民兵及船攻廈門鄭芝鵬怯懦私自載
輜重下船望城中居民不許搬移得功數十騎下
船飄至五通遂登岸無有禦之者守高崎水師鎮
阮引不戰而逃城中百姓既殺動地賜姓董夫人
倉皇抱木至於海邊不得船廈門港居民林禮樂
始于水中負登小舟至芝鵬大船坐焉其夜亂兵
焚燬店舍火光竟天前文淵閣大學士吏部尚書
魯櫻在城中家人掖之出城公曰此一片清淨地
正我死所我將何之哉是夜縊于所居樓上時為
二月十三日越三日公之門人阮旻錫入城尋母

遇公隣居藍姓者在西門外詢之藍曰公不肯出
城是晚某進粥一盂公不食及晚再候公已自盡
矣無人可收斂也時已昏黑不得入城是錫往尋
僧文台又至東嶽廟尋公之門人陳泰共議天未
明文台以僧龕同陳泰招公屍至僧厝灣下船付
其家人鄉紳副憲王公忠孝以壽棺貯之司馬盧
若騰副院沈佺期樞部諸葛倬等皆視殮後兵部
主事劉玉龍疏陳輔臣從容就義事奉旨曾櫻身
死經常允宜優卹追贈光祿大夫上柱國太師謚
文忠賜祭墓蔭一子中書科舍人一子錦衣衛百

戶世襲其門人知縣陳泰冒險負屍積勞殞歿著
贈鴻臚寺少卿

三月初一日 清撫院張學聖同興泉縣黃澍渡海
見島嶼孤懸波濤環繞驚為絕地即先引四舍知
縣張齡安撫居民

初四日馬得功行牌于各鄉安民意欲據守初八會
定國公舟師至截港圍之命鎮將楊抒素登寶箴
港與戰互有勝負副將吳穀戰死施琅率陳璘鄭
文星百餘人登廈門港與戰敗之得功幾為所及
于是得功求過海張撫院差人至安平協平國公

太夫人囑定國公以船載馬得功三百騎及餘兵
盡回先是定國公差都督鄭德翼將周全斌等到
天星所報稱馬得功陷島靖姓回師乃于四月初
一日到浯嶼得功已渡海二日矣賜姓怒甚不許
諸親與定國相見定國移屯白沙初十日賜姓駐
厦門港議失守功罪先賞施琅花紅銀二百兩陳
壇一百兩斬鄭芝鵬阮引等以徇何德細責藍登
免罪軍士皆踴躍歡呼銳氣百倍以其家在島上
遭口捨掠得洩其憤故耳命忠振伯洪旭管理中
右叅軍滿庚鍾迨柳紳助餉銀滿加派搜掠一空

詔安平和二縣俱復

定西侯張名振平夷侯周崔之英毅伯阮駿等自舟
山來歸俱授水師鎮海澄守郝文興密約納降

壬辰順治九年

海上稱永曆六年

正月初二日賜姓督師至海澄港潮大漲直至中權
關下郝文興開城率將士出降授前鋒鎮掛印以
叅軍黃維璟知縣事

初十日進兵江東遣各鎮攻長泰縣至溪西擊敗漳
城援兵廿三日援兵再至復敗之

二月初二日遊兵營兵世珍奮勇登城被砲擊死賜

姓令火器營何明鑿河地通用地雷以擊其城

三月初三日報總督卹院陳錦督馬步數萬來援已
扎同安縣初十日地雷發不及城而止是日遂移
兵扎江東初十日陳錦安營于牛蹄山相去五里
十三日親來衝營賜姓率諸將迎擊之陳錦大敗
棄營盤而走全軍俱覆夫衣甲馬足輜重不可勝
計遂奔回扎營于同安城外為其家丁庫成棟所
刺來歸賜姓賞其功以其弑主陰令殺之

長泰縣 清守將楊青棄城而走以泰軍馮澄世知
縣事以甘輝為中提督黃廷為前提督黃山為後

提督四月進圍漳州賜姓扎南院

五月 清浙鎮馬進寶拜全衝馬率兵來援縱其入

城優同王邦俊從東門出戰敗回遂嬰城固守不
敢出諸軍攻圍數月不下張名振地方事陞協將
萬禮為前衝鎮副將陳朝為後衝鎮賜姓移師金
門後浦扎營操練施琅前在南灣兵付蘇戍代將
意四日必復任賜姓既不與遂請為僧賜姓諭令
舟募兵許授前鋒鎮備有親兵曾德逃亡賜姓援
為親隨琅將曾德捉回立斬之賜姓怒而不發二
十日傳令諸將在船聽令出軍遂令石先鋒黃廷

執施琅及忠定伯林習山拘在船中令副將吳芳
看守琅家人着人假稱賜姓令箭吊回審究吳芳
即同登岸至卓灣琅將吳芳及押人打倒脫走逃
還山穴中兩日夜投蘇茂、密以小舟載之渡海
依澄清伯賜姓怒甚欲斬林習山未果殺吳芳妻
子令芳跟尋廿一日殺施琅之父及其弟施顯以
戒旗中協林勝為搜勒左鎮

廿二日賜姓督兵入漳州地方

廿七日大破漳鎮王邦俊之兵于礮灶

六月回師舊將黃興來歸授中權鎮黃梧來歸授副

將以監督陳六御為北鎮營騎兵

九月賜姓督師入漳浦地方王邦俊來援復大破之
追至龍井降其將卒數百人而還

李長病退以黃昌為戎旗鎮親隨營

十一月清提督楊名高自福州率步騎入漳應援
賜姓遇之于小盈嶺大破之追至馬厝港名高僅
以身免騎兵營楊祖為首功掛印陞營為鎮

十二月舊將陳克策先投清同清將協守漳浦
至是獻城納降以為護衛前鎮照舊鎮守以叅軍
林其昌知縣事議築鎮門象鼻山截溪流不得入

海欲以灌城而奔流迅急提不得合費工甚鉅罷之

賜姓不攻城築長圍困之使其糧盡自降而城中兵盡括擲紳富戶及百姓粟食乏民相挑藉餓死殺人為食至有婦人群聚擊男子而分食其肉者毋論鼠雀及樹根木葉水萍紙及皮之屬盡食之稀粥一碗直四金自四月至十月城中死者十七人後清署守道周亮工收獨骸凡七十三萬有奇焚埋于東門外名曰同歸所築萬善庵其上勒石記之城外死者骨骸無數不與焉

五月福省集水師數百隻來攻廈門賜姓令陳輝督
水師督禦之遇于崇武所 清舟師戰敗棄船登
岸而走

九月 清統兵固山金勵領浙直八旗滿兵及漢兵
共萬餘旗入閩未援至泉州住扎養馬廿六日賜
姓解圍退扎右縣據險以待固山由長泰入漳

十月初二日固山率滿騎衝營是早西北風盛發火
箭火炮皆被風打回對面昏黑滿兵乘烟衝突諸
將潰散賜姓退扎海澄後提督黃山禮武鎮陳偉
右先鋒鎮廖敬親丁鎮郭廷護衝右鎮洪承寵皆

戰歿

癸巳順治十年 海上永曆七年

三月賜姓駐廈門遣前軍定西侯張名振等率水師
恢復浙直州縣并遣忠靖伯陳輝等一齊進入長

江

四月金固山吊集水陸官兵船隻欲攻海澄賜姓即
遣水師左軍林察右軍固瑞後軍周崔之阮駿黃
大振等前往堵截後遇颶風林察颯入興化港被
獲至鄭賈來議撫始放回

二十八日金固山扎營楓山頭

五月初一日賜姓至海澄銅兵守禦以前鋒鎮郝文
典戎鎮鎮王秀奇獲衛前鎮陳克策守鎮遠寨前
衛鎮萬禮幫鎮遠寨外以前提督黃廷中提督甘
輝守關帝廟前木柵連接鎮遠樓賜姓駐扎天妃
宮親行督戰初四日全固山率馬步數萬扎營天
妃宮前安大小銃炮數百拜日夜連擊不停木柵
崩壞官兵多被擊死

初五日後勁鎮陳魁後衛鎮葉章率各鎮精勇兵數
百合力乘炮烟衝進遇炮銃齊發葉章被銃打死
陳魁打傷左足賜姓令收兵固守以周全斌管後

衝鎮楊正管後勁鎮 清兵連擊兩晝夜營壘隨
築隨壞賜姓率諸將上敵臺觀望張蓋而坐 清
兵見之炮火齊發甘輝翼賜姓下臺而位隨擊碎
矣鎮遠寨邊新築蓬蔭崩壞如平地軍士無可站
立賜姓令掘地藏身令神器鎮何明率洪善將火
藥就夜分掘埋河溝邊築心相續候令而發

初六日黃昏滿兵火炮火銃連夜不絕至立鼓放空
炮頭疊綠旗兵二疊滿兵填濠攀柵而上兵皆重
鎗刀不能傷城上兵俱持大斧擊之墜則後列者
乘其屍而登三疊滿將蜂擁齊進銳不可當天色

漸亮滿兵大半過河遂暗發地炮烟焰蔽天過河者一盡礮死其未過河者甘輝截擊之擒斬無遺金固山精銳盡喪連夜逃回

十二日賜姓回廈門于教場設宴犒諸將士論功行賞以忠孝伯印付甘輝、不敢受以檀離海澄城殺知縣黃維環及不用命軍士二人差監督池士紳以蠟丸齎帛疏由陸路詣行在叙方曲破總鎮王邦俊小盈嶺破提督揚名高江東橋職總督部院陳錦海澄敗固山金礮之功行在遣兵部主事萬年英齋勅晉賜姓漳國公封延平王賜姓拜表

辭讓差監督張自新同萬兵部由水路詣行在回
奏以海澄破邊功請封各鎮封爵後永曆以帝詔
封甘輝為崇明伯黃廷為安伯萬禮為建安伯郝
文興為祥符伯王秀奇為慶都伯叅軍馮澄世太
僕寺卿魚都察院右僉都御史

築海澄城所屬地方每家各出名凡夫一名城高二
丈餘舊有五都土城連而為一皆用灰石砌成并
築短塙安大小銃三千餘弮周圍環以港水巨浸
范、外通舟楫內積米穀軍器據漳州之咽喉
與厦金兩門相為表裡以為長守計命馮澄世督

其工

六月賜姓以金固山四京遂督舟師南下造攻鷓汀
坝鷓汀在潮州港口其民強悍有船百餘隻加十
八槳水上如飛遇大船以繩絆其柁牽之入港小
船即攻殺之海舟至潮者被其剗掠殺害甚多賜
姓至攻其城楊廣亦以兵來會城厚而堅從辰至
午攻打不下賜姓被飛彈微傷足踝遂退兵次日
至華平背嶼寨入納殺遂抽兵下艇時李定國差
人致書其書曰西寧王致書國姓大將軍麾下言
當同心戮力納以舟師直取江南也

同安侯在京遣家人李德稱有詔封賜姓為海澄公
九月京中遣內院學士葉成格理事官阿山同賜姓
弟內侍下渡舍蔭舍賚四府安插兵衆勅至

十九日李德周繼武先到廈門賜姓知先剃髮後受
詔只令周繼武持牒往請

廿四日葉阿山使到家

十月賜姓發渡舍四泉復二使納到安平鎮相面言
先受詔而後剃髮十七日二使至賜姓設供帳于
報恩寺二使只就布棚安詔勅賜姓不肯受勅二
十日二使四泉州二十九日二使促渡舍蔭舍等

并顏夫人回京復命撫事不成遂置同安侯于高
塘戍澄濟伯于寧古塔

遣輔明侯林察閩安侯周瑞戎旗鎮王秀奇左先鋒
鎮蘇茂統陸師率五鎮營官兵戰舡百餘艘南下
勤王差用官林雲璿奉勤王表詣行在并持書會
西寧王

十一月漳州千總劉國軒同魏標朴世用以總鎮張
世耀新任兵未協遣人來約期獻城歸降賜姓遣
洪旭廿輝林勝戴捷等于十二月初一夜直至南
門掛雲梯國軒令人牽引而上張世耀倉卒不知

所為乃降知府唐星暉理刑王元衡知縣周燧等
俱降洪旭入城安輯初四日賜姓抵漳以劉國軒
為護衛後鎮魏標為火武營朴世用為水武營張
世耀軍前任用委戴捷鎮守長泰縣守將楊青朱
降諸屬縣皆降賜姓遣諸將徇泉州諸屬縣皆下
之惟府城為副將韓尚亮堅守

己未順治十二年 海上稱永曆九年

正月初五日攻破仙遊縣焚殺甚慘明兵部尚書唐
顯悅之子乃賜姓相家世子經之外父子亦死焉
二月設六官以潘庚鍾為吏官洪旭為戶官鄭擊柱

為禮官張光啟為兵官程璠為刑官馮澄世為工
官設協理各一員左右都事各二員以常爵寧為
察言司掌六卿印節會張一彬為正副審理

設儲賢館以前所試諸生洪初闕楊任阮旻錫陳昌
言陳鵬羽楊芳業儒羽呂鼎陳繼明林復明及荐
舉薛聯桂鄧愈等充之設儲曹館以死事諸將及
侯伯子弟柯平林維榮等充之改中左所為思明
州以薛聯桂知州事

四月以郝文興為左提督萬禮為後提督王秀奇改
為右提督林勝代為戎旗鎮黃昌為提勅左鎮黃

梧為前衝鎮

築兩洲新城

五月總督南征林察周瑞王秀奇蘓茂等班師回稱
西寧王戰敗退梧州應援不及賜姓甚怒降責有
差

委戶官洪旭任水師右軍以吏官潘庚鍾顯管戶官
加都事吳慎為協理佐之

賜姓以撫局不就分兵與定西侯忠靖伯等會師入
長江搗其腹心以水師右軍洪旭為總督以原北鎮
陳六御為五軍戎改總制六師率兵北上京中道

世子王統率八旗滿兵及漢軍約有三萬入閩先撥前鋒滿騎到省賜姓盡抽福興泉之兵回漳各屬縣城悉墮之

以儲賢育胄二館諸生監紀諸鎮每月紀其功罪彙冊上報請設領兵中軍二月臨陣督戰以候缺將為之又設餉司一員後以監紀兼之

六月墮漳州城及各屬縣

賜姓會諸鎮兵于漳之東門外蓮花埔合操親自教演月終乃撥各鎮出征

七月以中提督甘輝為正總督王秀奇為副

總督率二十餘鎮北上與忠振伯陳總制相機而行以前提督黃廷為總督後提督萬禮為副總督率二十餘鎮南下

八月初提督黃廷等入揭陽港扎營桃花山 清潮鎮劉伯祿率兵來援大破走之擒其中軍將斬殺甚多二十四日劉伯祿復集吳六奇及惠州之兵列營鷹嘴埔左戎旗林勝揮兵渡濠至斬木柵攻破其營擒其副將諸鎮兵乘勢追殺遂揭陽城忠勇侯陳豹自南灣率師來會運大鏡築土山攻之清守將知縣秦城逃去并取普寧縣進添各鄉寨

餉米中提督甘輝等北上阻風就溫台二府取糧
台州總鎮馬信欲降忠振伯遣人招之風順遂發
舟山未果

九月左提督祥符伯郝文興病故賜姓親臨祭奠厚
卹其家

世子三至福州吊集本省綠旗馬步一齊進發賜姓
令思明州居民搬移邊海官兵眷口搬運住金門
鎮海等處空島以待

世子三至泉州駐紮東嶽

十月賜姓吊四戎旗鎮林勝守思明州

甘輝洪旭等至舟山由岑口登州守兵迎戰敗走
遂進兵攻城陳總制遣監督李化龍入城招降清
鎮守副將已臣功等遂開城投順張名振等出自
長江來會 清定閩守將張鴻德棄家來附後授
前鋒鎮

十一月賜姓差監督李長至舟山吊兵北上師回以
總制陳六御督定西侯張名振英義伯阮駿等鎮
守舟山委林勝鎮守海澄縣三元士知縣事林其
昌失入人罪等職

十二月甘輝引已臣功等入見即授驍騎鎮改名臣

興

洪旭入台州港馬信棄城帶兵馬揭眷來歸賜姓即授中權鎮掛征口將軍印

丙申順治十二年 海上稱永曆十年

正月清平南王尚可喜撥騎兵同潮鎮劉伯祿來復揭陽離城西二十里安營右先鋒蘇茂統五鎮守西門隔港據橋，外即平埔時平藩兵即以數百騎挑戰奎鎮兵追即走是日援勒右鎮黃勝殿兵鎮林文燦左鎮黃格在埔上操兵平藩兵大至蘇茂欲出兵迎戰金武營郭遂第諫以為橋狹難于

進兵不聽敵戰大敗惟遂第兵先抽過橋無失餘
皆自相踐踏擄橋墜港黃務林文燦皆死于橋下
兵死者凡五千餘人 清兵遇橋拆毀營盤直至
城下前提督黃廷在東門出兵接戰 清兵乃退
報至賜姓命五軍總制張英再督戰旗下潮清兵
截港而營難于攻而各土堡皆堅守不納穀

二月賜姓差官兵張光啟入揭陽察戰敗情形吊蘇
茂杜輝黃梧等四思明州令黃廷林勝及各鎮下
廣採聽行在消息

三月前軍定西侯張名振于正月病故令陳六御兼

管前軍事令水師前鎮阮駿專守舟山阮駿報定
閩造船五百隻欲攻舟山請撥兵防護賜姓遣馮
信張鴻德督師北上協防

四月清世子弔各灣船隻令泉州城守韓尚亮統率
出泉州港賜姓令諸鎮出圍頭外迎擊援勒左協
王明鏡船擊沉清船一隻信武營陳澤等來勢迫
趕忽颶風大作諸鎮舟收泊圍頭清舟被風墜下
有收入圍頭被獲者有颶入貴嶼金門登岫乞降
者有飄至外洋至黃海者得收回泉港者不滿十
隻由是不敢渡海

五月黃廷等至碣石衛兵皆無糧逃亡走散遂回師
六月至思明州賜姓謀揭陽喪師罪斬左鋒蘇茂杜
輝細青黃梧記青照舊管事圖暗

以周全斌為左先鋒鎮金武營郭遂第改名華棟
為後衝鎮撥黃梧守海澄縣二十二日黃梧同副
將蘇明據海澄降清黃梧在揭陽亡其鉄甲兵二
百餘名窘于賠補而厦門住屋又為定國公所迫
取故得揭春而叛蘇明乃蘇茂堂弟清封黃梧為
海澄公鎮漳州蘇明授精尼奇呢哈番名至京為
內大臣後黃梧請發鄭氏祖墳株求鄭氏親黨陷

五大商漳泉之民大遭其禍

賜姓令甘輝林勝洪旭等率各鎮前往攻復清兵已入城惟五都土城為副將林明領兵康熊所守遂搬運米粟兵器下船計濯城所貯糧二十五萬餘石軍器銃炮及各將領私積無數拔林明為右戎旗領拔康熊為左戎旗領領兵中軍速兵官張光啟兵部事黃璋下獄以其附同黃格瞞借楊琦衣甲軍器應點之罪又驚挾之致變故也

以黃元華棟守銅山時鎮將楊琦鍾宇等陳鵬等多不法為各監紀所揭被責甘輝言上以為文武

不和乃聽諸監紀留用

七月遣中提督甘輝林勝周全斌楊祖等十五鎮官兵北上甘輝等遂入閩安鎮至省城南臺橋登岸扎營賜姓謀知省城無兵令取福州而差船夫其諭帖不至甘輝遂掠南臺潭尾等處

八月世子王抽兵赴省賜姓以前提督黃廷鎮思明州教張光啟黃璋戴罪管事親率右戎旗鎮林明等至福州視師

浙江定閩水師來攻舟山陳六御阮駿二船向前衝殺被誘深入水急船收不回炮火如雨俱赴海自

焚而死餘舡奔散清兵至舟山遷徙居民拆毀城郭張鴻德六戰敗殒

九月初三日賜姓至閩安鎮相度地勢令馮澄世築寨城外鎮守羅星塔亦築土城鎮守

賜姓駕出駐壺江定海鳳埔等處中權鎮黃信自北回陳說舟山之事賜姓令優卹陳六御六御陳謙子也阮駿二家取連江縣守之

十月賜姓駐三都

初六日世子王發兵攻銅山被後衛鎮華棟護衛右鎮黃元擊敗退走以右提督王秀奇總督五軍戎務

中權鎮馬信管左提督事

十二月賜姓督船取羅源寧德等縣報入省 世子
王遂撥滿州梅勒章京阿裕高己都柯如良等帶
披甲綠旗兵數千赴援時同安侯差謝表等來勸
就撫李率泰亦差人來說退兵以就撫局賜姓令
諸鎮兵皆退甘輝斷後至護國嶺甘輝令抽兵過
橋至嶺下列陣馬信已撥兵下船顧謂甘輝曰吾
聞公善戰今日親視公退此一陣也滿州先鋒騎
數百追至見陣整不敢退甘輝再令抽兵度嶺親
督數千人在後柯格尚至揮兵欲盛之別將勸止

格商曰此易取耳當盡殲之格商至嶺下身自下
馬諸將騎皆步行上嶺箭如雨發隘兵不得成
行甘^輝揮刃大呼沒高趨下兵殊死鬪滿兵崩壞格
商中數刃猶力戰者兵爭斫之馬信令斷其首埋
于田中餘者殺死甚多甘輝即下令收兵而別鎮
追者為滿騎所殺退是後也柯格商最驍勇而巴
都柯如良等皆善戰及敗沒滿兵為之奪氣于是
撫事不成

丁酉順治十四年

海上永曆十一年

正月賜姓駐三都

二月總制金張英後提督萬禮事督舟師至温州議
攻金鄉衛 清守將瞿永壽獻城降遂取程而回
三月賜姓令萬禮督兵正鎮韓英左衛洪善右衛楊
朝棟等輪守萬安鎮羅星塢等處賜姓親率諸鎮
北上至鎮下灣阻風遂駕回思明州

初八日定國公鴻遠卒于金門所

四月遣水師後鎮施舉同李順往浙江等處招集松
門一帶漁民以為進長江嚮導施舉至定閩遭風
坐舡流入港內 清兵攻之陷沒

五月六日察常壽密啟戶官鄭泰乾沒洋船銀一萬查

皆夫寔泰言此人必係奸細往，離間藩下左右
用事之人又聞其受賄形狀賜姓大怒念其高江
世冑一家四十餘口起義被殺魚年老免刑幽置
而死

六月臺灣紅夷人長揆一遣通事何斌送外國寶物
來求通商願年輸餉五千兩箭桿十萬枝硫黃一
千担許之

七月賜姓興師北上委志振伯洪旭督水路四鎮兵
防守思明州初十日傳令在船開駕督戎旗等鎮
進扎興化黃石全遣中提督甘輝進扎涵頭取糧

三日遂抽進狼嶠親往閩安鎮令前提督黃廷鎮守廷言閩安鎮不可守賜姓令守一月以護衛前鎮陳斌守羅星塔

八月十二日賜姓入海門港乘風直進黃巖縣清守將王戎戰敗以城降

十八日進攻台州府令馬信遣人招降二十六日清總鎮李必出城降知縣齊維藩臨海知縣黎嶽唐俱降

九月太平縣天台縣守將俱降

初八日遣萬禮攻海門衛初九日賜姓親到閩其地

勢頗險令監督宋綬寧入城招諭清守將張捷出
降前所守將劉崇賢亦降永春義師林忠襲破永
福縣清卻院李率泰發兵救援檄海澄公黃梧
兵未至疑之盡撥其轄下官兵分入八旗黃梧大

悔

李率泰吊集漳泉水稍世子王撥披甲下船圍羅
星塔吊集民夫自鼓山開路達鎮城十四日滿兵
水陸齊攻前提督右鎮程余守頂寨戰死遂失關
安鎮護衛前鎮陳斌神苦鎮盧謙守羅星塔被困
無援施琅歸清為同安城守屬泉州在總督軍

前使人招降陳斌麾下兵皆欲降斌遂降凌說李率恭盡殺之南臺橋凡五百餘人

賜姓恐閩安鎮有失撥兵赴援遂棄台州率師南下已無及矣遂以五軍陳克策督數鎮守狼琦地方二十六日賜姓回思明州

二十八日賜姓督師南下

十一月初一日至南灣湧忠勇侯陳豹言惠潮破敗之餘得其城無用鷓汀坝小寨令數鎮攻之可克左戎鎮林勝願自領兵攻寨從之

各提鎮于潮揭取糧賜姓回思明州提督黃廷林勝

等攻破鷓汀垣時天旱濠乾兵至城下用人字牌
遮身鞞鍬鑿掘城墻列大熾齊發崩之而入男女
無少長皆屠之壯士數百人走免其地遂空

時永曆遣彰平伯周全湯太監劉柱從海上至思
明齋延平王勅印至晉封潮王賜姓欲恢復南京
然後稱王文書告示只稱令旨而已後全湯復命
雲南已破死于廣海前監國魯王科臣徐孚遠附
海船至交趾欲從交王借道歸永曆正欲其以臣
禮朝見孚遠不肯登岬而回賜姓遂集商船不許
往廣南貿易

戊戌 順治十五年 是歲永曆亡海上猶稱其年號

正月賜姓駐思明州

二月吊回各提鎮挑選壯勇者撥入親軍

三月賜姓築演武亭于廈門港練兵以石獅重五百
勳為的力能挺起者撥入左右武衛虎衛親軍皆
配雲南斬馬刀弓箭戴鉄面穿鉄臂鉄裙用鎖
定使不得脫時謂之鉄人

拔陳魁陳鵬為左右虎衛鎮賜姓令左武衛林勝
合左右虎衛之兵南下攻許龍港水急漲舟師直
入許龍率衆而逃獲其輜重船隻焚其巢穴清海

澄縣守將劉進忠等率兵獻城迎降後衛鎮華棟
病故以劉進忠管鎮事華棟即郭遂弟吳化府諸
生也舉義其母尚繫府獄故改名後賜姓以千金
贖之乃卹其子

五月以前提督黃廷防守思明州與兵官洪旭同商
機務戶官鄭泰給發兵餉餘諸提督鎮俱北上甲
士五萬伏兵凡十餘萬船數千艘

六月初七日師至平陽縣清守將車任暹獻城降十
三日瑞安縣守將文誠祥降

鉄騎鎮巴臣興病故以黑雲祥管鎮事

十九日至温州清守拏堅守不出賜姓謀取足糧食

收兵下缸

七月初二日賜姓開駕抵舟山間引港官李順水程
順曰舟山至羊山西南風一日便到其山皆羊無人
住有大王廟甚靈海中有矇瞽二龍泊缸不可
金鼓獻紙恐其驚動翻覆不安賜姓不信初九日
午刻到羊山候赫初十日各提鎮來見放銃鳴鑼
不移時風起浪湧迅雷閃電對面昏黑不相見但
聞呼救之聲官缸都陳德與太監張忠等跪求賜
姓上柵拜天拜甫畢風雨方息波浪稍恬覆舟五

千餘拜溺死數千人賜姓中軍船打破失六妃嬪
并二公子三公子五公子凡二百三十一人

十四日賜姓以兵舡軍器損失四至舟山議向温台
各港取糧

九月初十日至象山縣知縣徐某遣生員父老送猪
酒犒師并具稟啟賜姓遂傳令不攻將北兵不怕
風浪多逃去有報援勅左鎮賀世明等船頭桅俱
粉紅又訛傳欲叛去并北將盡失之語賜姓遂撤
賀世明鎮任并令張五軍踰水武營卜世明用火
武營魏操中權鎮李必奇兵鎮張魁等解職惟北

鎮姚國泰補援勒右鎮督去明憤激氣死以總理
監營翁天祐署左提督肆其兵

十月初三日賜姓至台州港後衝鎮劉進忠叛入金
門所賜姓全攻打棄城走以木武營黃格管後衝

鎮事

二十二日賜姓至營右衛守將不降下令攻城

十一月初七日城破擒殺無數

十二日分各提鎮就汎地養民

十二月十五日賜姓駕駐沙門

是歲清兵破雲南永曆亡

先是秦王孫可望出湖南與經畧洪承疇對壘永
駐安龍西寧王李定國奉之以入雲南一路無阻
遂將孫可望家眷送至軍中還之途中輜重又被
劫掠可望窮憤遂投誠至京上優待之封義王
其死也親弔之

平西王吳三桂與洪承疇遂攻入雲南李定國護
永曆至緬甸病死吳三桂追之緬甸入獻永曆疏
聞築臺絞死是日天地昏暗有白龍升天之異觀
者莫不流涕傷感而明祚至此終矣

己亥順治十六年

正月賜姓駐沙門

二月賜姓至磐石橋

三月賜姓催各提鎮限本月二十五日到磐石橋聽

令

四月二十八日齊到定閩

二十九日至寧波港

五月初一日袖兵下舡

初四日至舟山烈港

十七日賜姓至羊山十八日至崇明十九日差監紀

劉澄家書通江南提督馬進寶

六月十四日賜姓至焦山

十六日辰時進兵攻瓜州清操江軍門朱衣佐率遊擊左雲龍領滿漢兵數千扎城外迎戰賜姓督左右武衛居中、提督居左左提督居右後提督抄瓜州之後兩陣相對隔一小港銃矢交擊水師進斷滾江龍賜姓揮兵大進滿兵列大銃守岨左衝鎮周全斌揮兵下水直渡小港水深鉄重兵役水底行沒頂多溺死突上岸守兵不意驚駭全斌直衝其陣右協楊當陣斬十餘人諸軍直逼而進清兵退走入城諸軍乘勝監梯攻城正兵鎮韓英先

登左先鋒楊祖繼進已時遂克瓜州陣斬左雲龍
生擒朱衣佐及所獲滿州盡殲之是日右提督馬
信攻奪譚家大炮張兵官羅含章等攻奪滿州木
城三座木城用大杉木板釘平整柵內各兵五百
人火炮四十人門火藥火礮不計從上流壓下舡
過之立碎至是殲烏賜姓以全斌輕渡港夫兵多
欲斬之諸將跪請乃令戴罪立功朱衣佐至鎮江
乞歸養親賜姓賜路費遣之以援勦後鎮劉猷鎮
守瓜州監紀柯平督理江防管州事委張兵部楊
戎政督水師入蕪湖牽其戰舡直逼金陵以分其

勢

十九日賜姓督師泊鎮江南岬七里港

二十日登岬扎營時清滿漢兵扎在銀山一帶各

兵扎在銀山對面山上只隔一港滿兵驚移大路

扎營留綠旗兵數百守銀山

二十二日二更賜姓移營到銀山下寅時傳令登山

站隊天明滿兵見之大驚分作五路而來賜姓親

督右武衛周全斌左虎衛陳魁迎敵周全斌直衝

其鋒以長繩界陣後有兵退至繩者斬于是奮勇

爭先滿兵披靡諸將繼之道路狹而溝港多自相

踐踏死者不計其數餘者遁走遂令攻城清總鎮
馬撫知府戴可進猷城投降周全斌身帶重傷時
令鎮守以工官馮澄世為常鎮道兵都事李鳳為
知府以監紀林若霖為刑廳

時諸州縣多來降太平府守將劉世賢猷城降蕪
湖縣亦降

賜姓議取金陵中提督甘輝請從陸路進兵以為乘
破竹之勢一鼓可下或攻取其外四州郡以絕援
兵則城孤亦難守若水路恐風信稽遲則援兵入
守又費工夫矣諸將多以天時炎熱久雨溝河難

通賜姓遂令由水道進發

七月初四日諸軍下舡初七日至觀音門

初八日令左衝鎮黃安總督水師泊三叉河口

十二日派前鋒鎮余新中衝衛蕭拱辰扎獅子山堵

禦鳳儀門左提督翁天祐為應援中提督甘輝後

提督萬禮左先鋒楊祖俱離前鋒鎮之第三大橋

頭山上心扎右提督馬信宣毅後鎮吳豪扎旱西

門賜姓督左武衛林勝左虎衛陳魁右虎衛陳鵬

五軍張英屯扎後廟山時寧國池州和州滁州等

府州縣俱降杭州及江西九江等處俱有密謀舉

義前來給札者遣監督高綿祖禮都事蔡政前往
蘇私通私提督馬進約其會兵前來

江南總督管効忠弔集各府兵將齊脩謀欲將衝營
十七日甘輝請總令攻城恐援兵日至師老無功
賜姓今于二十二日安炮進攻

二十三夜城中覘知余新懈怠無備請副將孫化鳳
率兵夜出從街坊房舍中毀牆通道襲其營余新
被擒蕭拱辰泗水而逃全軍俱沒浚提督萬禮扎
在橋外救應不及滿兵遂蜂擁出城扎營廿三晚
甘輝林勝勸賜姓抽兵且回至觀音山賜姓欲再

決一戰令楊祖姚國泰楊正藍衍等扎在山上甘輝張英等伏在山內林勝陳魁等列在山下賜姓督陳鵬萬祿等在觀音門應援萬禮萬義等堵禦大橋頭大路馬信吳豪韓英由水路躡其後黃安尚督水師防江

二十三日清兵大隊抄出山後直衝在先鋒楊祖之營賜姓傳令無令不許輕戰而山上山下又隔遠不相聯屬清兵炮火交擊楊祖衆寡不敵敗走藍衍戰沒賜姓遣陳鵬萬祿往援山高不得上滿兵山上趕下甘輝張英等在山內被圍力戰不得

出張英陣亡甘輝被捉林勝陳魁在山下戰敗全
軍俱沒萬禮等在大橋頭清兵首尾合攻被捉
萬義泗水而逃賜姓見大勢已清先抽下船清水
師錄集未追黃安禦之擊沉數隻防護諸眷姬後
載諸殘兵出港查失將殞中提督甘輝後提督萬
禮五軍張英親軍林勝陳魁鎮將藍衍魏標卜世
用副將洪琅并戶官潘庶鍾儀衛吳賜等十二名
後甘輝等解至金陵總督同山會審萬禮余新昏
跪甘輝以足蹴之曰瘞漢尚欲求生乎大罵不屈
遂被殺

海兵之入長江也 上議欲出京兵召前海澄降將

蘇明問之對曰海兵不能持久不數日當有捷音

後三日而江寧捷音至

二十四日以姓至鎮江分派各鎮將收拾官兵補缺管

轄

二十八日諸將領俱各下舡駕入長江

八月初一日師回至狼山上沙

初四日泊吳松港遣蔡政往見馬進寶入京議撫

初八日至崇明城以作老營

十一日開炮攻打城崩數丈 清守將梁化鳳死拒

不退正兵鎮韓英登梯被銃打下監督王起俸亦
被銃傷俱死賜姓欲集諸將再攻周全斌以為城
小而堅難以驟拔得之亦無用適馬進寶差中軍
官同蔡政來說勸回師以待奏請看撫局成否賜
姓從之仍遣蔡政往京

十八日賜姓回師至浙江以楊富管正兵鎮分派各
提鎮就溫台舟山各港口地方屯扎練操仍撥數
鎮屯扎碁峽三都興化海南日照地方

九月初三日賜姓令開舡初七日至思明州

十月援勅浚鎮劉猷在温州深入內地取餉被誘戰

沒

十二月蔡政自京回云撫事不成繫同安侯于獄并
逮馬進寶到京問罪遣滿州將軍達素帶披甲萬
餘前來勦海并令三省水師合勦

庚子 順治十七年

正月二十一日報滿州統兵將軍達素頭站兵至福
州

二月賜姓吊回北汛諸提鎮候撥防守

三月報達將軍到泉州催促船隻配兵

賜姓吊回南下官兵分派屯扎

四月初二日改右提督馬信為提督軍驍騎鎮

傳令各提鎮將領官兵眷口搬住金門所委英兵鎮陳瑞保護同戶官鄭泰一同照管

初四日遣中衛鎮蕭拱辰等治崇武堵禦泉港委輔明戾林察為水師總督共商機宜

派援勦右鎮林順禮武鎮林福防守海門

派右武衛周全斌驍騎鎮馬信防治裂嶼尾

派遊兵鎮胡靖殿兵鎮陳漳為陸師守高崎等處
援勦後鎮張志為水師拋泊高崎應援撥林福防守倒流寨

二十六日泉州清船二百餘歸駕到祥芝灣陸兵
山上扎營放炮船依山邊而行遂進至圍頭賜姓
令林察蕭拱辰等泊劉五店遏止圍頭清船不得
入同安港會合

行戶官鄭泰將前派守圍頭官兵舡隻一盡防守
金門拋泊城保角以防廣海許龍等船

撥右虎衛陳鵬守五道高崎東一帶撥援勒前鎮
戴捷守高崎寨殿兵鎮陳璋前衛鎮劉俊智武鎮
顏望忠守澗保寨并赤山坪游兵鎮胡靖防守東
渡寨

仍委戎政王秀奇總督高崎等處協理戎政楊朝棟總督東渡等處臨朝商酌調遣各鎮管理外又令神武營康彦邦扎崎尾兼管神武一帶地方更撥宣毅後鎮吳豪後衝鎮黃昭後勅後鎮張志并陳廣吳裕水師應援高崎五道等處堵禦邀擊

五月初一日賜姓駐演武臺撥忠靖伯陳輝同安侯周瑞援勅右鎮下楊元標銳船前提督下方左營等舡泊海澄港以截漳州大隊水師又于初三日賜姓親督前提督黃廷右武衛周全球援勅左鎮黃昌右鎮林順正戎旗楊富等在海門住備迎敵

初八日漳州港內先遣大船一百餘配漢兵部院李
率泰海澄公黃梧督之出海澄港同安港收拾小
船將軍達素同全安總鎮施琅以小船配滿兵橫
渡高崎俱下船約初十日進兵

初十日賜姓令五軍陳克策傳令陳輝等安泊中流
不許起柁欲將漳州船出而乘其後倏忽間滿船
乘風順流蔽江而下以數船攻一船用鉄鍊釘住
炮矢齊發而登陳克策周瑞一船及方左營一
舡皆被燒殺陳輝一船滿兵蜂擁而上輝走入官
船發火藥從下衝上船火飛裂滿兵在船上俱死

其船未沉為官兵奪回陳輝得活時賜姓坐煩紅
繼令何義督之而下八槳船往來督戰時滿兵乘
潮直進海船漸退走直壓至廈門港口將午南
風大發海潮漸長黃廷周全斌等奮力迎擊同正
副龍煩兩船破餘而入龍煩受火彈子一九至十
餘船小彈子一斗副龍煩照樣新鑄者各以一船
專載之龍煩所及船中人頃刻間不見形影遂奪
滿先鋒昂拜邦章京紅眼二船出擒侍衛一二等
蝦十餘員并烏沙一船黃廷擒梅 耿勝一船戶
官鄭泰自金門率烏船五十號乘勢衝入宣毅鎮

黃元從鼓浪嶼後衝出夾攻炮聲如雷隱、不絕
火煙迷江咫尺不辨共擒滿船十三歸滿先鋒三
舡被追至圭嶼棄船登岸馬信招之降夜溺殺之
惟留紅帶梅勒士心秀并隨身披甲二人是日辰
時逢將軍總督滿漢兵船至牟尼嶼赤山坪登岸
殿兵鎮陳輝揮兵于水中逆戰兵少漸不及守高
崎右布衝陳鵬密通同安施總鎮謀為內應其左
營陳蟒鵬之姪也見勢急欲出兵救援陳鵬止之
不許總督王秀奇速令陳蟒赴之滿兵見金龍甲
兵至以為迎已也及下水斫殺始慌亂而前協萬

弁領兵林雄領鎮協劉雄繼至合擊前衝鎮劉俊亦從東衝出協力拒殺俄而吳豪趕至滿船向前敵諸水師分路衝下擊沉數隻滿兵先登岸者被殺及溺水不計主擒巨馬喇及披甲三百餘人皆斮掌放四連素率全兵四省數日屍浮海岸萬餘長髮者十二三短髮者十七八賜姓磔陳鵬殺其家屬以陳蟒為帟衛右鎮何義為帟衛左鎮

六月賜姓駐金門浚浦合思明州將領官兵眷口移住金門百姓搬移過海聽其自便撥諸提鎮分扎沃地取糧

七月命官兵張光啟往倭國借兵以船載黃蘗寺僧
隱元及其徒五十衆時倭人敦請隱元故載與俱
往賜姓書與倭國王而不及上將軍主國政者故
倭人兵不發

九月諸兵民家眷俱回思明州

十月清弔達素回京問罪達素在省吞金而死滿兵
回京水師船隻俱弔入港閩岬

監國魯王殂于金門所

辛丑順治十八年

是歲順治終康熙登位

正月賜姓議取臺灣其地在東南海中延亘數千里

土番雜處天啟年間殿羅己紅夷占居之于港口
築城與中國日本廣南貿易海邊貧民流寓者種
蔗以糖為業殆數千戶時紅夷亦恐海上動兵及
庚子春海遣通事何斌及其酋長再來議貢何斌
察進地圖勸賜姓取之賜姓陳兵自鎮南閩至院
東依山布陣凡十餘里甲兵數萬周全斌統轄戎
旗兵七千皆衣金龍甲軍威甚盛夷人震攝至是
欲進兵諸將雖不敢違阻有難色宣毅後鎮吳豪
曹至其地力言港淺大船難進且水土多瘴癘賜
姓舍之惟戎政楊朝棟倡言可取賜姓納之

二月賜姓駐兵金門整理船隻

以兵官洪旭前提督黃廷居守思明州戶官鄭泰
居守金門所

三月初一日祭江賜姓督文武官親軍武衛周全斌
何義陳蟒提督馬信鎮將楊祖蕭拱辰黃梧陳澤
吳豪林瑞張志等作首程先行令守澎湖遊擊洪
暄引港各船俱駕到料羅灣聽令開駕

二十二日午時自料羅灣放洋二十四日各船齊到
澎湖分各嶼往扎賜姓扎營內嶼二十七日開船
到甘吉嶼阻風而回三十晚風雨未息賜姓以行

糧已盡傳令一更後開駕三更後晴霽風順四月
初一日天明賜姓至臺灣外沙線各船絡繹俱至
鹿耳門線外此港甚淺沙灘重疊大船從無出入
故夷人不甚防備是日水漲丈餘賜姓下小船由
鹿耳門登岸午後大鯨船齊進泊水寮港登岸扎
營令陳澤督扁衛將坐銃舡扎鹿耳門牽制紅夷
甲版船并防北線尾守赤茨城夷長貓難寔叮發
炮擊盤營并柁馬鹿粟倉賜姓恐焚及赤茨衛令
楊朝棟督張志官兵防禦看守

初三日陳澤扎營北線尾守臺灣城夷長揆一見官

兵來齊遣頭目拔鬼仔率烏銃兵數百前來衝擊
陳澤迎戰一鼓殲之拔鬼仔戰死餘夷退走初四
日赤茨城夷長貓鷄寔叮以城孤救之賜姓違楊
朝棟招諭之遂率夷人三百餘名出降

賜姓令赤茨夷招夷長揆一等來降不從時夷長
尚有甲版船在港令陳澤陳廣等攻之沉其一隻
焚其一隻走回一隻

初四日賜姓督師移扎崑身築土臺架炮攻臺灣城
揆一等于附城銃城齊攻大銃頃刻土臺崩壞官
兵退回夷人出城奪炮馬信劉國軒率弓箭平射

之乃退賜姓遂令赤茨降夷架鏡擊城崩之泚馬
信等扎臺灣衛固守不攻俟其自降派各鎮分札
汛地七壑

五月初二日二程黃安劉俊顏望忠陳瑞胡靖陳璋
等到臺灣

賜姓集文武各官審宣殺後鎮吳豪搶掠百姓監
匿禾粟斬之右虎衛陳蟒全罪革職編責

以黃安管左虎衛改赤茨地方為東都設一府二
縣以府為承天府委楊朝棟為府尹一為天興縣
委莊文烈知縣事一為萬年縣委祝敬知縣事

六月十六日銅山守將蔡祿郭義捨掠居民脅忠臣伯張進投誠進詐許置酒請會欲發火藥與之俱焚蔡郭知之不赴張進遂於火自焚

初浚提督萬禮密約海澄公黃梧欲據思明州以叛後隨征南京被獲而死已祀忠臣祠矣事洩賜姓徹其木主蔡郭是其黨也故惧而叛清兵入銅山城兵官洪旭會忠勇侯陳豹統水師獲之蔡郭全清兵退走報至賜姓授總監營翁天祐鎮守而厚卹張進之家

七月紅夷會甲版至弔右武衛前協黃德幫守臺灣

衛名其衛為安平鎮

張志黃招等激變火壯杜土番楊祖與戰中楊鎗死
土番圍張志營黃安陳瑞等破走之

八月紅夷率甲版船來犯賜姓令陳澤同戎旗左右
協水師擊敗之獲甲版二隻小艇三隻自是甲版
退入臺灣港不敢浸出

京中命戶部尚書蘇納海至閩遷海邊居民之內地
離海三十里村庄田宅悉皆焚棄

先是達素兵至賜姓令思明州撤空其先人來降
者家眷乘隙皆渡海逃去原右提督慶都伯王秀

奇逃回江南埋名不出而原任漳州知府房星暉者為索國舅門館客遂逃入京使其弟候補通判房星曜上言以為海兵皆從海邊取餉使空其土而徙其人立版不許下海則彼無食而兵自散矣遂從其策陞房星曜為道員病死無嗣至是上自遼東下至廣東皆遷徙築垣墻立界牌撥兵戍守出界者死百姓皆失業流離死亡者以億萬計燕納海歸存同安總鎮施琅為水師提督移鎮海澄十月同安侯鄭芝龍為其家人尹大器出首通海時康熙新即位四輔蘇克蔭與鄭芝龍有隙以初三日

殛芝龍于菜市殺其子孫家眷凡十一人報至賜
姓叱為妾傳中夜悲哭居常營艱

十二月守臺灣城夷長撥一等乞以城婦賜姓而撤
其輜重貨物下船率餘夷五百餘人駕甲版遠去
賜姓遂有臺灣改名東寧

時以各社田土分與水陸諸提鎮而各令撤其家
眷至東都居住兵丁俱合屯壑初至水土不服瘴
癘大作病者十之七八死者甚多加以用法嚴峻
果于誅殺府尹楊朝棟以其用小斗散糧殺其一
家又殺萬年縣祝敬家屬發配于是人心惶惧諸

將解體

壬寅康熙元年 海上仍稱永曆十六年

正月賜姓嚴諭搬眷鄭泰洪旭黃廷等皆不欲行于
是不發一船至臺灣而差舡來弔監犯洪初闢等
十人分當番社皆留住不遣島上信息隔絕

三月令周全斌調銅山思明州兵攻南灣欲擒陳豹
豹短小精悍髯三尺陳守南灣近二十年許龍蘇
利皆畏之

豹驕傲專志數違藩令兵至倉率衆搬眷下船
不敢十分迎敵揚帆入廣東投誠清為慕化伯未

幾病疫而死

四月賜姓遣兵官楊都事到思明州奉命箭欲殺董夫人及其長子經以乳母生子之故洪旭等不肯奉命殺楊都事而訛傳周全斌奉密諭欲殺諸將十餘人于是人人自危洪旭等使周全斌船回廈門港即執而拘之黃昌勸鄭泰殺之全斌求救于董夫人洪旭亦依違乃得免

五月初八日國姓招討大將軍殂于東寧年三十有九提督馬信及諸鎮將黃昭等議以其弟鄭世襲護理大將軍印未幾馬信黃安皆病故世襲以黃

昭蕭拱辰為腹心援劉國軒管鎮事謀自立報至
思明州鄭泰洪旭黃廷工官馮澄世叅軍蔡鳴雷
等立長子經為嗣封世子發喪即位

時靖南王耿繼茂移鎮福建與總督李率泰遣旗
中軍王明賞功李有功至思明州鄭泰等議照朝
鮮國例漫啟李使疏請而奏遣中軍官楊來嘉同
入京待命凌不報釋楊來嘉回

八月京中遣戶部郎中貢盛兵部郎中金世德入閩
安城招撫凡海上文武官投誠者依例照品級升
降補用

十月洪旭鄭泰以兵千餘人配船逆世藩入臺灣世
以周全斌為五軍馮澄世之子錫範為侍衛陳永
華為培讓泰軍至澎湖其將李思忠船飄至臺灣
知諸將有謀逃回世藩隨即倍回乘風入鹿耳
門登岸全斌令連夜伐木為柵扎營次早黃昭會
諸將出兵值大霧晝冥跬步不可視諸將多迷誤
失期惟黃昭兵先至攻其前劉國軒兵至攻其後
破營而入世藩兵却擠而前黃昭攀木梯為流矢
所中墜下全斌令斬其首大呼示衆軍士皆迎降
大霧忽晴日已向午鍾宇等至皆反戈而迎世藩

入安平鎮請世襲至待之如初襲委罪于其僕蔡
雲、自縊收殺拱辰李應清曾從龍餘皆不問諸
將營兵擬守汛地如故

十一月世藩率周全斌等同其叔世襲回思明州後
世襲入京歸命授精奇尼哈番顏夫人鄭芝豹自
戍所發回准在京同住